

## Bo çî...?



Viyan Mizûrî

Boçî...?  
Boçî li gel pêjna  
Hemû siharan  
Min hişyar dikî  
Li gel çirkêna peqîna  
Xûsara bîrhatinan min radikî ve  
Boçî, manşêtê rojnameya min  
Herroj,  
Bi te dest pê dike?  
Dengê te  
Min dikêşit ser pencereyê  
Li pişt sîngê çend çiyayan re  
Di nav mija çend pêkdanana  
Zarokiya dêmê te  
Di şûşeyek şikestî re nîgar dikim  
Boçî, ma min negotiye  
Ez û tu çayê  
Yêdî pêkve venaxwin?  
Boçî li gel lêdana zenga  
demjimêra min hemû sipêdeyan  
Tu dibî wext,  
Dibî çerx  
Dibî deng  
Di guhên min de?  
Ma me negotiye, em jêk xilas  
Duhî jivan bû  
Tu... evro dihêyî çî?  
Min nevêt...di jivanê  
nepeymankirî de bibime jivan ve  
Eza ji tenhabûna xwe xerîb bûyîm  
Pîçekê here wêrve  
Bi tenê bo bêhnêkê  
Ji bin balgîhê min were der  
Min divêt rabibim û birûnim  
Tu destê min negirî  
Bixwim vexwim tu  
Li sifreya min hazir nebî  
Ji nav mijûlankên min bihêyî der  
Tu bi Xwedê bes bo bihnêkê  
Ji nav tîkên hizrên min  
Xwe bide paş  
Da xwe bidine yek  
Da bibin yek